

大清宣宗成皇帝實錄

大清宣宗效天符運立中體正至文聖武智勇
仁慈儉勤孝敏成皇帝實錄卷之四百五十五

監修總裁官經筵日講起居注官太子太保體仁閣大學士文淵閣領閣事管理戶部事務上書房總師傅翰林院掌院學士兼管順

天府府尹事務總帶加五級紀錄十八次臣賈毓總載官經筵講官吏部尚書鑲藍旗漢軍都統管理新營房城內官房大臣稽察內

七倉大臣稽察會同四譯館事務加一級隨帶加六級軍功加三級紀錄五次臣花沙納經筵講官文淵閣提舉閣事兵部尚書總管

內務府大臣銀白旗滿洲都統稽察內七倉大臣管理宗人府銀庫左翼幼官學監壽寧園明園等處稽提營御茶膳房御藥房太

醫院造辦處事務隨帶加十八級臣阿靈阿副總載官經筵講官兵部尚書隨帶加六級紀錄二十次臣周祖培等奉

敕修

道光二十八年戊申五月癸酉朔以故奉恩

將軍素博麟子長吉襲職。○以正藍旗前鋒
參領惠密署正黃旗滿洲副都統。○旌表守
正捐軀四川榮縣民劉守松妻劉氏。○甲戌。
諭內閣鄂順安奏拏獲在逃遺犯及知情容
留送信各犯慶芬侯會鄭李明興即李元禮
著該撫遴委幹員沿途小心押解來京交刑
部歸案嚴行審訊。○諭軍機大臣等徐繼畲
奏飭屬整頓聯甲等語。閩省延建邵三府民
俗本淳。因外鄉游民麇集。傭趁工作。搶劫結

會之案甚多。該省此次拏辦會匪。深得聯甲之力。該撫現復派委幹員。前往建陽縣將聯甲章程整頓。俾客民土著。聯為一體。禁其相率入會。其泉州漳州等府。永春州。廣東等處。民人在彼居住者。大概搭棚散居山谷。不連村社。勢難強為聯合。該撫現飭就其地勢分段編聯。揀派聯首。專其責成。常川稽查。並通飭各府縣遵照辦理。著該撫即嚴飭該地方官等。實心實力。嚴密稽查。認真妥辦。務使聯

甲之法。持之永久。偏僻之地。毋令藏垢納汙。俾奸匪斂戢。地方綏靜。切勿日久生懈。奉行不力。轉成紙上空談。無裨實濟。是欲祛弊而適滋弊也。勉之。將此諭令知之。○乙亥。

孝誠仁皇后忌辰遣官祭

景陵。○諭內閣。前據李嘉端奏。撥船虧短米石。請旨查辦。當交朱鳳標。德誠。確切查覈。茲據該侍郎等奏。請分別賠補。並另片奏籌防弊端各等語。該撥船虧短米石。雖訊無經紀串

通情事。究屬承運不慎。著即查照成案。責令
經紀撥船分別賠補。其經紀應賠之米。即於
耗米內扣除。再將餘米留抵掣欠。至撥船應
賠之米。著責成海運總局清河天津兩道。即
行追繳。總於沙船卸米未經竣事以前。一律
搭運。不准稍有遲延短缺。所有各船戶虧短
至六石及六石以上者。除按數追賠外。仍行
枷示河干。以示懲儆。惟撥船由津運通數日
之中。輒敢虧短米石多寡不等。其積弊已可

概見。儻不嚴行防範。則乾潔必藉口於收縮。足數又不免使水攪和。弊端迭為乘除。實屬可惡。嗣後著駐通倉場侍郎。於撥船起卸米石。如稍有折耗。即照前案責令經紀撥船各半分賠。若每船短至四石及四石以上。並查有潮溼攪雜等弊。即將短絀潮溼米石最多之船戶。先行送交刑部嚴究懲辦。一面咨行天津迅速賠補。○以鑲藍旗滿洲副都統綿清。署鑲黃旗護軍統領。鑲黃旗漢軍副都統

哈芬署正黃旗護軍統領。○丙子。

上詣綺春園問。

皇太后安。○丁丑。以故西寧固察族百戶冬麻

牙答爾子化木角爾達爾吉多倫託克列王

王族百長多爾吉才夫坦子彭錯克散住布王

舒族百戶成里達爾吉子索諾木才都布牙

木錯族百戶丹巴旺姪成里札什各襲職。○

戊寅。以順承郡王春山署正白旗領侍衛內

大臣。禮部尚書麟魁署正紅旗蒙古都統。○

展緩陝西咸寧長安咸陽興平臨潼高陵涇陽三原渭南醴泉大荔蒲城華乾武功十五州縣積欠米石。○己卯諭內閣全齡奏。此次恭送

玉牒之前引侍衛十員。在京未領出關口票等語。向來出關人員。例應遵領路票。此次何以皇未領。著侍衛處查明具奏。○庚辰諭內閣。前據陸建瀛奏。揚關由閘短徵贏餘銀兩。請援案減免一半一摺。當交戶部議奏。茲據該部

奏稱。揚關由開短徵。贏餘銀兩。前因黃河漫口。稅乏來源。奏准寬免一半。今該撫奏關稅短絀。係因鄰省災歉所致。與黃河漫口情形大有區別。礙難覈准等語。各關經徵稅銀。如有虧短。例應著落賠繳。若因一時鄰省偏災。遽請減免。儻各關相率效尤。藉詞請免。無論經費充物短絀。稅課從無似此辦過成案。何得遽開巧避之門。陸建瀛冒昧奏請。著交部議處。所有前任監督咸齡前後共應賠銀五

萬四百六十六兩零。現任監督姚熊飛前後
共應賠銀五萬七千四百六十三兩零。均著
予限八年統令照數完繳。以符定制。咸齡姚
熊飛並著交部照例議處。經此飭諭之後。所
有各省督撫監督均著一體懍遵。毋得再瀆
干咎。○辛巳。諭內閣。仁壽等奏遵旨查明遺
漏咨行等語。此次恭送

玉牒之前。引侍衛十員。應領出關口票。侍衛處
主事定泰漏行兵部。著交部議處。所有仁壽

等自請察議之處。著加恩寬免。○又諭。昨據
潘錫恩奏。工需不敷。請添撥銀兩。一摺。當交
戶部議奏。茲據該部議請如數籌給。係為河
防緊要起見。已依議行矣。惟南河每歲部撥
及各省例解等項。共銀三百四五十萬兩。此
內豫防大汛銀一百五十萬兩。即係專為防
險而設。乃近來一遇險工。無不另行請撥。竟
以每年防險之銀。視為例所應得。逐漸增添。
何所底止。在部臣以河工平險無常。不得不

議准請旨。多方撥給。致免藉口。然似此漫無限制。於另案之外。復添另案。無論帑項盈絀。日久將何以為繼耶。推原其故。總由河員等奢靡相尚。揮霍性成。甚或假公濟私。侵帑肥橐。以報險為恐嚇。濫支濫應。喪盡天良。即如上年李星沅所叅各員。不過懲一儆百。恐漏網甚多。而每年霜汛安瀾。經該河督保奏升遷者。指不勝屈。豈無一二偷工減料。侵冒翫法之員。何以未見叅劾。然則工程卑薄。其不

能保禦鞏固亦可見矣。又如過往官員以及遊幕人等求助紛紛。尤為河工漏卮。前於道光二十四年。曾經降旨禁革。並未見該河督舉發一事。叅劾一人。近聞此風更甚於帑項。大有關係。不可不嚴行禁止。該河督及各河道等。均係朕特簡大員。即廳員中固多利徒。亦豈無一二實心任事者。賞罰既平。斯從違立應。嗣後該河督務當認真稽察。舉劾兼施。儻遇有廳員呈報險工。及領帑一切事宜。必

應覈實搏節。毋任飾詞冒領。每年所撥防險銀兩。如有贏餘。仍當存留備用。不得任意開銷。以用盡為度。經此飭諭之後。每年除例撥款外。著戶部存記。絲毫不准再撥。該河督惟當先事豫籌。力求節嗇。如查有劣員捏報險工。及濫領帑項者。立即嚴叅懲辦。儻藉詞偷減工料。有誤修防。朕定將該河督及道廳文武員弁。從重治罪。罰賠決不寬貸。至南北往來官員人等。仍遵前旨。該河督等遇有往謁。

求助之人。即將其人指名參奏。並著兩江總督明查暗訪。力祛弊源。東河亦著照此辦理。並責成山東巡撫加意稽察。以挽積習。而重河防。將此通諭知之。○又諭。張澧中奏在籍巡撫被訐。請旨交部審辦。一摺。前任山西巡撫梁萼涵在籍被民人楊錦投遞說帖。指稱前在山西巡撫任內。有徇情受賄。免充鹽商情事。虛實均應徹底究辦。楊錦並同行之馬德重。孫得利均著山東巡撫派員解交刑部。

審訊。其郭姓宋二。遲皮匠張會通。劉姓均著
步軍統領衙門。順天府五城。一體嚴拏。務獲
交刑部歸案訊辦。直隸房山縣典史梁林滋
著卽解任。並著順天府委員解交刑部。一併
嚴審確情。按律定擬具奏。○又諭鄭祖琛奏
盜匪拒捕戕官。現在查辦情形一摺。又另片
奏。請將疏防之文武員弁分別撤任革職各
等語。廣西天保縣知縣沈毓寅。於歸順州賊
匪竄入本境。帶領兵勇前往堵拏。黑暗之時。